

& contrarios, ex quibus denique unus alteri præfertur. Christus quoque diversa volebat, qua Homo, qua Deus. Itaque Natura & in Justis a morte abhorret: ab ea quoque, non negabat Paulus, quin & ipse abhorreret. Verum Ratio, & desiderium migrandi ad Christum, ejusque Gloria fruendi, pergratam illi dissolutionem ipsam faciebat. Pergit Burnetus inquires, dixisse Paulum: *Mors mihi lucrum*. Tum enumeratis tot malis & periculis ab ipso in vita toleratis, ait mirandam esse, cur tantillum dicat; & certe mortem in hac vita optabiliorē ei fuisse. Primo somnium Burneti est illud tantillum; neque ejus erat, tanta confidentia definire, quantam lucri Apostolo obventuram erat in morte, quando is dilerte infra inquit, *dissolvi, & esse cum Christo*, reputari a se multo magis melius: quibus verbis, uti Erasmus monuit, duplicat comparativum ad vehementiam, ut plurimum excessum significet, idque juxta idioma sermonis Hebraici. Accedit, quod Apostolus numquam sibi vitæ hujus exitum optavit, ut tribulationibus, quas pro Christo ejusque famulis perferebat, sese eximeret. Immo placebat sibi in contumeliis, in angustiis pro Christo, ut ipse testatur 2. ad Cor. xii. 10. Quamobrem forti hilarique animo inter ærumnas sibi vires addebat, certus, quo plura in terris pro Christi gloria atque utilitate Fidelium pateretur, eo majus sibi Gloriæ pondus expectandum in Cælis. Atque heic præsertim prodit, se cupere *dissolvi*, non ut finem faciat laboribus & periculis, sed ut sit *cum Christo*, & coram Christo sistatur, cujus Gloriæ participem se confestim futurum novit. Chrylostomum, ut alios onittam, audi, tutiorem certe Pauli Interpretem, quam Burnetus, Hom. iii. in Epist. ad Philipp. cap. 1. *Dissolvi multo magis melius, & quid eligam, ignoro. Quid ais? Quum hinc abiens AD COELUM SIS MIGRATURUS & CUM CHRISTO FUTURUS*, ignoras, quid eligas? *Ecquis pugil, quum coronam possit induere, malit rursus in certamen descendere? Ecquis Dux, qui a bello cum gloria & trophæis liberari queat, & cum Rege in Regia quietus degere, seque oblectare, adhuc & Judare præoptet, & in aciem prodire?* Ita ille, ita & nos sentiamus oportet.

C A P U T . III.

Aliis Scripturæ locis confirmata Catholice Ecclesie sententia. Non postremum tantummodo Judicium agnoscendum, sed & alia occulta. Aliisque Christi Adventus admittere necesse est, tum in singulorum Fidelium morte, tum ad Hierosolymæ excidium. Resurrectionis Dogma nihil pugnat contra inchoatam Animarum Beatitudinem in Regno Cælorum.

U Sque ad Resurrectionem Burnetus vectes ferreos iniecit cœlesti Hierusalem, ejusque ostia omnibus, præterquam Christo, clausit. Quam bene, hætenus vidimus. Adducatur nunc in examen alter Scripturarum locus Luc. xxiii. 41. ubi pœnitens Latro dicebat ad Jesum: *Domine, memento mei, quum veneris in Regnum tuum.* *Et dixit illi Jesus. Amen dico tibi, Hodie mecum eris in Paradiso.* Conſueve-
runt